



বাংলাদেশ কৃষি ব্যাংক

প্রধান কার্যালয়

৮৩-৮৫ মতিঝিল বা/এ, ঢাকা-১০০০।

শাখা নিয়ন্ত্রণ ও ব্যবসা উন্নয়ন বিভাগ।

ফোন : ০২২২৩৩৫৪০২৫; ই-মেইল : dgmbcbdbd@krishibank.org.bd

নং-প্রকা/শানিব্যউবি-৩(৩)/জালনোট/২০২৩-২০২৪/১৮৬

তারিখঃ ০৮-০৮-২০২৩

মহাব্যবস্থাপক (সকল বিভাগীয় কার্যালয়/স্থানীয় মুখ্য কার্যালয়)

উপ-মহাব্যবস্থাপক, সকল কর্পোরেট শাখা

মুখ্য আঞ্চলিক ব্যবস্থাপক/ আঞ্চলিক ব্যবস্থাপক, সকল মুখ্য আঞ্চলিক/ আঞ্চলিক কার্যালয়

শাখা ব্যবস্থাপক, সকল শাখা (মুখ্য আঞ্চলিক/আঞ্চলিক ব্যবস্থাপকের মাধ্যমে)।

বাংলাদেশ কৃষি ব্যাংক।

বিষয় : বাংলাদেশ ব্যাংকের পরিচ্ছন্ন নোট নীতিমালা প্রসঙ্গে।

প্রিয় মহোদয়,


উপর্যুক্ত বিষয়ে বাংলাদেশ ব্যাংক, প্রধান কার্যালয়, ঢাকা এর ডিপার্টমেন্ট অব কারেন্সি ম্যানেজমেন্ট হতে ২৪ জুলাই, ২০২৩ খ্রীষ্টাব্দ/৯ শ্রাবণ, ১৪৩০ বঙ্গাব্দ তারিখে জারীকৃত ডিসিএম সার্কুলার নং -৩/২০২৩ এর প্রতি দৃষ্টি আকর্ষণ করা যাচ্ছে (কপি সংযুক্ত)।

০২। বাংলাদেশ ব্যাংক অর্ডার, ১৯৭২ এর ২৮ ধারা মোতাবেক বাজারে পরিচ্ছন্ন নোট/Clean Note প্রচলন করা বাংলাদেশ ব্যাংকের অন্যতম দায়িত্ব। এই উদ্দেশ্যে বাংলাদেশ ব্যাংকের পরিচ্ছন্ন নোট নীতিমালা (Clean Note Policy of Bangladesh Bank) অনুমোদিত হয়েছে যা সংশ্লিষ্ট সকলের অবগতির জন্য এতদসঙ্গে সংযুক্ত করা হলো।

অনুমোদনক্রমে-

সংযুক্তিঃ ০৩ (তিন পাতা)।

আপনার বিশ্বস্ত,


(কে.এম. হাবিব-উন-নবী)


উপ মহাব্যবস্থাপক

নং-প্রকা/শানিব্যউবি-৩(৩)/জালনোট/২০২৩-২০২৪/

তারিখঃ ০৮-০৮-২০২৩

সদয় অবগতির জন্য অনুলিপি প্রেরণ করা হলো :-

- ০১। চীফ স্টাফ অফিসার, ব্যবস্থাপনা পরিচালক মহোদয়ের সচিবালয়, বিকেবি, প্রধান কার্যালয়, ঢাকা।
- ০২। স্টাফ অফিসার, উপ-ব্যবস্থাপনা পরিচালক-১, ২ ও ৩ মহোদয়ের সচিবালয়, বিকেবি, প্রধান কার্যালয়, ঢাকা।
- ০৩। স্টাফ অফিসার, মহাব্যবস্থাপক মহোদয়ের দপ্তর, বিকেবি, প্রধান কার্যালয়, ঢাকা।
- ০৪। উপমহাব্যবস্থাপক, আইসিটি সিস্টেমস, কার্ড ও মোবাইল ব্যাংকিং বিভাগ, প্রকা, ঢাকা। তাঁকে পত্রটি ওয়েবসাইটে আপলোডের প্রয়োজনীয় ব্যবস্থা গ্রহণের জন্য অনুরোধ করা হলো।
- ০৫। বিভাগীয় নিরীক্ষা কর্মকর্তা, সকল বিভাগীয় নিরীক্ষা কার্যালয়, বাংলাদেশ কৃষি ব্যাংক।
- ০৬। আঞ্চলিক নিরীক্ষা কর্মকর্তা, সকল আঞ্চলিক নিরীক্ষা কার্যালয়, বাংলাদেশ কৃষি ব্যাংক।
- ০৭। নথি/মহানথি।



(মোঃ রাজু আহমেদ)

সহকারী মহাব্যবস্থাপক



বাংলাদেশ ব্যাংক

(সেন্ট্রাল ব্যাংক অব বাংলাদেশ)

প্রধান কার্যালয়

মতিঝিল, ঢাকা-১০০০

বাংলাদেশ।

ডিপার্টমেন্ট অব কারেন্সী ম্যানেজমেন্ট

ডিসিএম সার্কুলার নং-৩/২০২৩

তারিখ : ৯ শ্রাবণ, ১৪৩০
২৪ জুলাই, ২০২৩

ব্যবস্থাপনা পরিচালক/প্রধান নির্বাহী কর্মকর্তা
বাংলাদেশে কার্যরত সকল তফসিলি ব্যাংক

ব্যবস্থাপনা পরিচালকের সচিবালয়	
বাংলাদেশ কৃষি ব্যাংক, প্রধান কার্যালয়, ঢাকা।	
নং ৩৩৮	তারিখ: ২৫.০৭.২৩
ডিএমডি-১	জিএম
 ব্যবস্থাপনা পরিচালক	

প্রিয় মহোদয়,

বাংলাদেশ ব্যাংকের পরিচ্ছন্ন নোট নীতিমালা (Clean Note Policy of Bangladesh Bank)

বাংলাদেশ ব্যাংক অর্ডার, ১৯৭২ এর ২৮ ধারা মোতাবেক বাজারে পরিচ্ছন্ন নোট/Clean Note প্রচলন করা বাংলাদেশ ব্যাংকের অন্যতম দায়িত্ব। এই উদ্দেশ্যে বাংলাদেশ ব্যাংকের পরিচ্ছন্ন নোট নীতিমালা (Clean Note Policy of Bangladesh Bank) অনুমোদিত হয়েছে।

আপনাদের অবগতির জন্য নীতিমালাটি সংযুক্ত করা হলো।

সংযুক্তিঃ ২(দুই) পাতা

উপ-ব্যবস্থাপনা পরিচালকের সচিবালয়-১	
বাংলাদেশ কৃষি ব্যাংক, প্রধান কার্যালয়, ঢাকা	
নং ২৮২	তারিখ: ২৫/০৭/২৩
বিভাগ: G.M.(D.P.)	ডিএমডি-১

আপনাদের বিশ্বস্ত,

(মোঃ মোকসুদুজ্জামান)
পরিচালক(ডিসিএম)
ফোন : ৯৫৩০০৯০

মহাব্যবস্থাপক (পরি ও পরি) এর নজর	
নং- ৫০	তারিখ: ২৫/০৭/২৩
উমদা, ফ্রেডিট/আঃ বাণিজ্য/ফরেন রেমিঃ	
বিভাগ: ১৪	
মহাব্যবস্থাপক	

শাখা নিয়ন্ত্রণ ও ব্যবসা উন্নয়ন বিভাগ
বাংলাদেশ কৃষি ব্যাংক, প্রধান কার্যালয়, ঢাকা।
নং ১৬৫ তারিখ: ২০/৭/২৩
এজিএস
পিও/এসপিও
এবও/কর্মকর্তা



ডিপার্টমেন্ট অব কারেন্সী ম্যানেজমেন্ট
বাংলাদেশ ব্যাংক
প্রধান কার্যালয়, ঢাকা।

বাংলাদেশ ব্যাংকের পরিচ্ছন্ন নোট নীতিমালা (Clean Note Policy of Bangladesh Bank)

১. ভূমিকা : বাংলাদেশ ব্যাংক অর্ডার, ১৯৭২ এর 7A(e) এবং 23(1) ধারা মোতাবেক নোট ইস্যু করার একক দায়িত্ব বাংলাদেশ ব্যাংকের উপর ন্যস্ত করা হয়েছে। অধিক্ষেত্রাধীন দায়িত্ব বাস্তবায়নের লক্ষ্যে ডিপার্টমেন্ট অব কারেন্সী ম্যানেজমেন্ট নোট মুদ্রণ, সংরক্ষণ, পরিবহণ, প্রচলন, যাচাই-বাছাই, বাতিলকরণ, বাতিলকৃত নোট ধ্বংসকরণ ইত্যাদি কাজ সুষ্ঠুভাবে সম্পাদনে বদ্ধপরিকর।

বাংলাদেশ ব্যাংক অর্ডার, ১৯৭২ এর ধারা ২৩(১) মোতাবেক বাজারে পরিচ্ছন্ন নোটের প্রচলন/যোগান স্বাভাবিক রাখার নিমিত্ত বাংলাদেশ ব্যাংকের ডিপার্টমেন্ট অব কারেন্সী ম্যানেজমেন্ট কর্তৃক প্রতি বছর নির্ধারিত সংখ্যক নোট মুদ্রণ ও সরবরাহের লক্ষ্যে দি সিকিউরিটি প্রিন্টিং কর্পোরেশন (বাংলাদেশ) লিঃ (এসপিএসিবিএল)কে কার্যাদেশ প্রদান করা হয়ে থাকে। কার্যাদেশের বিপরীতে মুদ্রিত নতুন নোট ইস্যু অফিসের চাহিদা অনুযায়ী বাংলাদেশ ব্যাংকের সকল শাখায় সরবরাহ করা হয় এবং প্রচলনে দেওয়া হয়। অপরদিকে, বাজারের ছেঁড়া-ফাটা এবং অপ্রচলনযোগ্য নোট বাংলাদেশ ব্যাংক এর নির্দেশনা অনুসরণপূর্বক তফসিলি ব্যাংক কর্তৃক বাংলাদেশ ব্যাংকে জমা করা হয়। জমাকৃত নোট পরবর্তীতে বাংলাদেশ ব্যাংক কর্তৃক যথাযথ প্রক্রিয়ায় ধ্বংস করা হয়। তাছাড়া, তফসিলি ব্যাংক হতে গৃহীত পুনঃপ্রচলনযোগ্য নোটসমূহ ম্যানুয়াল/অটোমেটেড পদ্ধতিতে যাচাই-বাছাইপূর্বক পুনরায় বাজারে প্রচলনে দেওয়া হয়। এইভাবে নোটের জীবনচক্র (Life Cycle) চলমান থাকে।

বাংলাদেশ ব্যাংক অর্ডার, ১৯৭২ এর ২৮ ধারা মোতাবেক বাজারে পরিচ্ছন্ন নোট/Clean Note প্রচলন করা বাংলাদেশ ব্যাংকের অন্যতম একটি দায়িত্ব। উক্ত ধারায় উল্লেখ রয়েছে যে, The Bank shall not reissue Bank Notes which are torn, defaced or excessively soiled. এই উদ্দেশ্য অর্জনে বাংলাদেশ ব্যাংক সময়ে সময়ে বিভিন্ন নীতি/পদ্ধতি প্রণয়ন করে থাকে। উক্ত নীতি ও পদ্ধতি অনুযায়ী প্রচলনে থাকা বিন্যাস পুরাতন, ধ্বংসযোগ্য এবং অযোগ্য নোট যথাযথ প্রক্রিয়ায় ধ্বংস করা হয় এবং নতুন নোট এর মাধ্যমে প্রতিস্থাপন করা হয়। এতদসঙ্গেও বাজারে অপ্রচলনযোগ্য ও ত্রুটিপূর্ণ নোট হিসেবে অধিক ময়লাযুক্ত, ছেঁড়া-ফাটা, আঙনে ঝলসানো, ডাম্প, মরিচাযুক্ত, অধিক কালিযুক্ত, অধিক লেখা-লেখি, স্বাক্ষরযুক্ত ও বিভিন্ন খণ্ডে বিভক্ত নোট এর অধিক পরিচালিত হচ্ছে। তাই প্রচলনে থাকা ব্যাংক নোটের নিরাপত্তা, গ্রহণযোগ্যতা বৃদ্ধি এবং নোটের সামগ্রিক অবস্থার উন্নতির লক্ষ্যে উক্ত নোটসমূহ বাজার হতে দ্রুত প্রত্যাহার করে ধ্বংসকরণপূর্বক নতুন নোট প্রতিস্থাপন করার নিমিত্ত বাংলাদেশ ব্যাংকের পরিচ্ছন্ন নোট নীতিমালা (Clean Note Policy of Bangladesh Bank) প্রণয়ন করা হলো।

২. বাংলাদেশী মুদ্রা কাঠামো : ১০০০ টাকা, ৫০০ টাকা, ২০০ টাকা, ১০০ টাকা, ৫০ টাকা, ২০ টাকা ও ১০ টাকা মূল্যমানের ৭ ধরনের ব্যাংক নোট এবং ৫ টাকা, ২ টাকা ও ১ টাকা মূল্যমানের ৩ ধরনের ধাতব মুদ্রা ও কারেন্সী নোট এবং ৫০ ও ২৫ পয়সা মূল্যমানের ২ ধরনের শুধুমাত্র মুদ্রার সমন্বয়ে বাংলাদেশের মুদ্রা কাঠামো গঠিত। সকল মূল্যমানের নোটই কাগজে মুদ্রার। ৫ টাকা, ২ টাকা, ১ টাকা, ৫০ পয়সা এবং ২৫ পয়সা মূল্যমানের মুদ্রাসমূহ মিশ্রিত ধাতুর তৈরী।

৩. নতুন নোট উৎপাদন ব্যবস্থা : ১৯৮৮ সাল হতে বাংলাদেশ ব্যাংকের একটি সাবসিডিয়ারী হিসেবে গঠিত দি সিকিউরিটি প্রিন্টিং কর্পোরেশন বাংলাদেশ লিমিটেড (এসপিএসিবিএল) এর মাধ্যমে সকল কাগজে নোট মুদ্রণ করা হয়। ধাতব মুদ্রা আন্তর্জাতিক টেন্ডারের মাধ্যমে বহির্বিশ্বের বিভিন্ন প্রতিষ্ঠানের মাধ্যমে মুদ্রণ করা হয়ে থাকে। এসপিএসিবিএল নোটের ডিজাইন, স্পেসিফিকেশন, সিকিউরিটি মার্ক, কাগজ, কালি ইত্যাদি নির্ধারণের ক্ষেত্রে বাংলাদেশ ব্যাংক কর্তৃক নির্ধারিত স্ট্যান্ডার্ড নিশ্চিত করে থাকে।

৪. পরিচ্ছন্ন নোট (Clean Note) : বাজারে পরিচ্ছন্ন নোট সরবরাহ নিশ্চিত করার উদ্দেশ্যকে সামনে রেখে ডিপার্টমেন্ট অব কারেন্সী ম্যানেজমেন্ট কর্তৃক বাজারে প্রচলিত নোটসমূহের ধরনের ভিত্তিতে ৪ (চার) ভাবে (১. পুনঃপ্রচলনযোগ্য নোট, ২. অপ্রচলনযোগ্য নোট, ৩. ত্রুটিপূর্ণ নোট এবং ৪. দাবীযোগ্য নোট) সংজ্ঞায়িত করে ডিসিএম সার্কুলার নং-০৩, তারিখঃ ২১/০৫/২০১৯ জারি করা হয়। উক্ত সার্কুলারকে ভিত্তি বিবেচনায় শুধুমাত্র পুনঃপ্রচলনযোগ্য নোটসমূহ Clean Note হিসেবে গণ্য হবে যা বাজারে পুনরায় প্রচলনে দেওয়া বা প্রচলনের জন্য সংরক্ষণ করা হবে। এতদ্ব্যতীত অন্যান্য নোট যেমন অপ্রচলনযোগ্য, ত্রুটিপূর্ণ ও দাবীযোগ্য নোটসমূহের বিনিময়ে পরিচ্ছন্ন নোট/পুনঃপ্রচলনযোগ্য নোট সরবরাহ করা হবে।

৪৪.  

৫. উদ্দেশ্য : (১) বাজারে নিরবচ্ছিন্নভাবে পরিচ্ছন্ন নোট (clean note) প্রচলন নিশ্চিত করার নিমিত্তে অনাকাঙ্ক্ষিতভাবে সৃষ্ট বা ব্যবহারের কারণে ময়লাযুক্ত, ছেঁড়া-ফাটা, আঙনে ঝলসানো, ডাম্প, মরিচাযুক্ত, অধিক কালিযুক্ত, অধিক লেখা-লেখি, স্বাক্ষরযুক্ত, বিভিন্ন খণ্ডে খণ্ডিত নোট প্রত্যাহার করা; (২) প্রত্যাহারকৃত নোট এর বিপরীতে পরিচ্ছন্ন নোট (clean note) এর মাধ্যমে প্রতিস্থাপন করা; (৩) বাজারে প্রচলিত নোটসমূহের স্থায়ীত্ব বৃদ্ধির লক্ষ্যে পদক্ষেপ গ্রহণ; (৪) বাজারে পর্যাপ্ত পরিমাণে পুনঃপ্রচলনযোগ্য নোট সরবরাহ নিশ্চিত করা।

বর্ণিত উদ্দেশ্য অর্জনে প্রধান লক্ষ্য ও কর্মপরিকল্পনাসমূহ নিম্নরূপঃ-

- ১) ডিসিএম সার্কুলার নং-০৩, তারিখঃ ২১/০৫/২০১৯ এবং ডিসিএম সার্কুলার নং-০৪, তারিখঃ ২৮/০৯/২০২১ এ নীতিমালার অংশ হিসেবে বিবেচনা করা। উক্ত সার্কুলারের নির্দেশনা অনুযায়ী যথাযথ প্রক্রিয়ায় নোট সার্টিং কার্যক্রম বাস্তবায়ন ও মূল্যায়ন করা হবে।
- ২) Bangladesh Bank (Note Refund) Regulations-2012 বাস্তবায়নের মাধ্যমে জনসাধারণের জন্য অপ্রচলনযোগ্য, ত্রুটিপূর্ণ ও দাবীযোগ্য নোট বিনিময় সহজ করা।
- ৩) জনসাধারণের হাতে থাকা সাধারণ ব্যবহার্য অপ্রচলনযোগ্য/ত্রুটিপূর্ণ নোট সর্বনিম্ন পর্যায়ে নামিয়ে আনার বিষয়টি নিশ্চিত করা। এ লক্ষ্যে ডিসিএম কর্তৃক সময় সময়ে Random Survey পরিচালনার মাধ্যমে একটি যৌক্তিক মাত্রা নির্ধারণ করা।
- ৪) নোট প্রক্রিয়াকরণের সক্ষমতা বৃদ্ধির লক্ষ্যে বাংলাদেশ ব্যাংকের সকল অফিসে আধুনিক নোট সার্টিং মেশিন স্থাপন করা।
- ৫) নোটের স্থায়ীত্ব বৃদ্ধির লক্ষ্যে জনসচেতনতা বৃদ্ধির উদ্যোগ গ্রহণ করা এবং এই উদ্যোগে বাংলাদেশ ব্যাংকের পাশাপাশি তফসিলি ব্যাংকগুলোকে সম্পৃক্ত করা।
- ৬) ইলেকট্রনিক ও প্রিন্ট মিডিয়ায় নোট ব্যবহারে অধিক যত্নবান হওয়ার বিষয়ে প্রচার প্রচারণার মাধ্যমে জনগণকে উৎসাহিত করা।
- ৭) পরিচ্ছন্ন নোট বাজারে প্রচলনের স্বার্থে তথ্য জনসাধারণ, প্রতিষ্ঠান এবং আন্তঃব্যাংক লেনদেনে পরিচ্ছন্ন নোট ব্যবহার নিশ্চিত করার স্বার্থে যথাযথভাবে নোট সার্টিং, প্যাকেটিং, ব্যাকিং, নোট প্যাকেটে ফ্লাইলীফ লাগানো ও স্ট্যাপলিং সংক্রান্ত বাংলাদেশ ব্যাংকের নির্দেশনাসমূহ যথাযথ পরিপালন নিশ্চিত করা।
- ৮) প্রকৃত চাহিদা নিরূপণ (Need assessment) করে দি সিকিউরিটি প্রিন্টিং করপোরেশন (বাংলাদেশ) লিঃ এর নোট মুদ্রণ সক্ষমতা বৃদ্ধির উদ্যোগ গ্রহণ করা।
- ৯) নোট উৎপাদনে দীর্ঘস্থায়ী, আধুনিক ও উন্নতমানের, কাগজ, কালি ও নিরাপত্তা বৈশিষ্ট্য ব্যবহার করার নিমিত্ত ডিপার্টমেন্ট অব কারেন্সী ম্যানেজমেন্ট কর্তৃক উদ্যোগ গ্রহণ করা।
- ১০) তফসিলি ব্যাংকসমূহের মাধ্যমে দেশের বিভিন্ন বিভাগ/জেলা/উপজেলায় নোটের ব্যবহারে সচেতনতা বৃদ্ধির লক্ষ্যে সেবা পক্ষ পরিচালনা করা।
- ১১) নোট ব্যবস্থাপনা সংক্রান্ত বিষয়ে তফসিলি ব্যাংকের সংশ্লিষ্ট কর্মকর্তাদের জন্য প্রশিক্ষণ/কর্মশালা/মতবিনিময় সভার আয়োজন করা।
- ১২) পরিদর্শন কার্যক্রম পরিচালনার মাধ্যমে প্রচলনযোগ্য, অপ্রচলনযোগ্য ও ত্রুটিপূর্ণ নোটসমূহের সার্টিং, সংরক্ষণ, বিনিময় তথা নোট ব্যবস্থাপনায় বাংলাদেশ ব্যাংকের নির্দেশনা পরিপালন নিশ্চিত করা।
- ১৩) নোট ধ্বংসকরণ সক্ষমতা বৃদ্ধির লক্ষ্যে অবকাঠামোগত (Infrastructure) উন্নয়ন তথা প্রতিটি অফিসে পরিবেশবান্ধব উন্নতমানের ইনফ্রারেড/বৈদ্যুতিক চুল্লী/আধুনিক নোট শ্রেডিং মেশিন স্থাপনের উদ্যোগ গ্রহণ করা;
- ১৪) বাজারে পরিচ্ছন্ন নোট সরবরাহের প্রয়োজনে এ সংক্রান্ত নতুন নির্দেশনা জারি করা বা পূর্বের নির্দেশনা পরিবর্তন/পরিমার্জন করা।

৬. উপসংহার : প্রচলিত নোটের সৌন্দর্য্য ও গুণগত মানের উপর সে দেশের অর্থনৈতিক, সামাজিক ও রাজনৈতিক অবস্থার প্রতিচ্ছবি প্রতিফলিত হয়। Clean Note Policy প্রণয়ন এবং তা যথাযথভাবে বাস্তবায়ন একটি দক্ষ নোট/মুদ্রা ব্যবস্থাপনা পরিচালনায় গুরুত্বপূর্ণ। বাংলাদেশ ব্যাংকের অভ্যন্তরীণ অবকাঠামোগত/নীতিগত সক্ষমতা বৃদ্ধির পাশাপাশি তফসিলি ব্যাংক, তাদের গ্রাহক এবং জনসাধারণের সচেতনতা বৃদ্ধি করার মাধ্যমে Clean Note Policy সফল বাস্তবায়ন সম্ভব।

BH.

am

L